

王文端公奏疏

王文端公奏疏卷之四

山陰對南王家屏著

定襄門人傅新德校

請冊立揭

謹題臣等竊惟國有長君社稷之福故古之帝王貽謀燕翼莫不願主器之有歸而臣民歌咏太平亦莫不願儲位之早正是以詩曰穆穆皇皇宜君宜王言胤嗣多賢庶則宜君長則宜王長幼之分明而君王之位定國家之福莫大於此故足願也

奏疏

卷之四

天祚

聖明篤生

元子岐嶷粹質顒昂令儀長而且賢爲四海臣民所屬望久矣乃

升儲大典屢請未諧幸而奉

旨傳宣定於明春

冊立中外人心方延頸企足以待

前星之耀而止因部臣一疏干冒

天威遂將吉期改於次歲數月以來羣情洶洶疑議

沸騰似以爲牽厝帷之愛者臣等竊意

皇上嚴明治內

慈孝根心天性至恩必非私昵可奪嘗恭奉

諭旨一則曰父子至親一則曰長幼有序

天言炳煥昭如日星此天下所共聞也而

毓德宮之召覓

躬擁

元子置之膝前

啣喻撫摩鍾愛深篤此又臣等所親睹也厝帷牽制

之議萬萬不至如人言惟是時日遷延遲廻不

決倫序雖定而名號未加終爲闕典

召旨雖頒而歲月數易愈致後時臣等卽能仰體
皇上之心安能盡開天下之感道路揣摩之口則亦
無怪其紛紛矣縱使邪妄之言不足盡信以
皇上無私如天地

光明如日月其何樂於以毫無可疑之心故示天下
以可疑之迹也臣等備員輔導義難緘默敢昧
死上請

皇上早

賜宸斷特

霈德音遵明春之吉期成前歲之

夫信庶一言可以定

國本頃刻可以釋羣疑官聞雍睦之休

宗社靈長之慶端在此舉臣等不勝祈懇之至

再請敦趣輔臣還朝揭

謹題臣等昨接得原任大學士臣王錫爵揭帖

爲辭免

召命事大要言母疾未痊已身難出種種苦楚委係
真情第臣等竊念君臣母子倫誼惟均天下國
家責任更重故私恩不可以掩義而移孝乃所
以成忠錫爵於

皇上分則股肱之佐義則腹心之臣也

知遇特達則感激宜深

倚任非常則報効宜厚况今

朝綱積弛時事多艱須得嚴右具瞻如錫爵之德
望乃可以壓服羣僚經綸素裕如錫爵之才猷
乃可以康濟一世國家託錫爵之力正惟此時
錫爵報

皇上之恩亦惟此日雖其母年高邁憚涉長途或不
能奉以同來俟其應

詔至示

國事少康何妨再許其歸省如此則公義所迫彼
既不遑顧其私子情可伸彼復有所覲于後庶
聖恩周于體恤而

使命便于督催錫爵之出山有期

朝野之想望可慰矣乞將原本

發下容_臣等擬票以進恭請

聖裁施行

請視朝揭

謹題_臣等自今年孟冬恭遇

皇上親饗

太廟一覲

天顏此後每當

視朝之期輒報

傳免大小臣工足不至交戟之下且不瞻

衮冕之容已數月矣卽今三冬已盡一歲將終伏念

臣同官趙志臯荷蒙

皇上簡掄擢居

密勿之地俾叅

大政固朝夕備

顧問之臣也乃自拜

以來未親面

恩已三閱月未有朝覲
顧問之臣而可三月不
面者也況

大計在即四方官吏羣集

輦轂之下聽候

黜陟乃三載一入

覲之典也今從萬里遠來瞻仰

宸闈如隔九閭亦未有三載會

朝之特而尚可

進安處者也以輔臣則內閣之體貌所關以覲吏
之方之觀望攸繫伏乞

聖鑒數日之內或十六十九日或二十三日

陽奉清曜一出視朝庶

殿庭之景象一新臣下之精神咸奮臣不勝企望
之至

題延綏塘報揭

謹題臣等昨接得延綏總兵官杜桐塘報內稱
韃虜即安土昧等酋於本年十二月初八日分
別榆林保寧豐州及維等堡本官約同神木參

將張剛孤山遊擊李紹祖同時發兵分道出擊
斬獲首級四百五十餘顆生擒賊夷二十六名
口奪獲戰馬夷器甚多臣等不勝欣慶竊念延
綏地係衝邊通隣強虜數年以來莊禿賴明愛
等酋無歲不肆其要挾神木孤山之間無處不
被其殘傷該鎮物力不支人心積憤久矣今當
聚兵入犯之會大收奮勇斬獲之功良由

聖武布昭

嚴旨督責所以督撫振勵將士齊心以克有此奇捷
不但本鎮數年以來所未見亦各邊款貢而後

所希聞也從此火真等酋皆爲破膽而可消其
狂逞之謀卽扯酋諸部亦將寒心而益堅其恭
順之志封疆幸甚

社稷幸甚臣等不勝懽忭之至謹并塘報封

進以聞

類進講章揭

謹題先該臣等題稱每年終將講過經書講章
類寫

進呈以備

皇上溫言觀覽仍發司禮監核續刊板已奉

欽依節次

進呈訖今查萬曆十八年至今所撰講章除易經
通鑑纂要俟積有成帙另行寫進外謹將孟子
萬章告子盡心共六本禮記王制上下文王世
子禮運共四本類寫裝潢

進呈伏望

皇上萬幾之暇時加

觀覽以求溫故知新之益仍乞

發下司禮監接續刊行臣等不勝惓惓效忠之至
請元日受賀摺

謹題今早文書官李文輔到閣傳奉

聖諭朕自長至後偶爾動火服清火之劑聊覺稍愈
昨者復又感冒身體軟弱頭發眩痛今次拾禮暫
遣公徐文壁恭代卿等可傳示知悉欽此臣等大
馬下情不勝驚惕竊惟

皇上一身

九廟之所依憑萬國之所仰戴今節當歲暮序屬更
新

祖宗在天之靈

降靈延乩中外臣民之衆環集

關廷品等正望一舉

朝祭之儀用慰

神人之願乃今適有

傳諭臣等仰知

皇上仁孝根心情非厭怠祇以

起居違豫意在

珍調敢不將順

德音祝安

聖體第當

朝覲之年將行

奏疏

卷之四

八

頁三

考察之典

一人舉動萬國觀瞻卽禘祭或可

遣官而元旦不可廢

賀_臣等伏望

皇上茂膺多福

俯順羣情及新歲履端之初成

登殿受賀之禮凡百官萬姓九夷八蠻瞻叩

宸旒忭舞何似_臣等不勝依戀祈懇之至

壬辰請大計宣捷臨朝揭

謹題昨該_臣等看閱章奏內刑部一本爲考察